

Iznajmljivanje aparata za vodu sa punjenjem za potrebe
Zavoda zdravstvenog osiguranja Kantona Sarajevo

Zaključen u Sarajevu između:

Zavoda zdravstvenog osiguranja Kantona Sarajevo, Ul. Ložionička broj 2 (u daljem tekstu Ugovorni organ), kojeg zastupa direktor Mr.scí.oec.prim.spec.dr.Samir Turković

Corto d.o.o. Sarajevo, Ul. Srđana Aleksića br.22 (u daljem tekstu Dobavljač), kojeg zastupa direktor Lejla Šahinpašić.

PREDMET UGOVORA

Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku usluga „Iznajmljivanja aparata za vodu sa punjenjem za potrebe Zavoda zdravstvenog osiguranja Kantona Sarajevo” na period od godinu dana, u skladu sa Odlukom o pokretanju postupka putem direktnog sporazuma broj 03-08-DŽ.K.-11600-OPDS/18 od 29.03.2018. godine, ponudom Dobavljača broj: 120/18 od 29.03.2018. godine i Odlukom o prihvatanju ponude broj 03-08-DŽ.K.-11600-OPP/18 od 30.03.2018. godine.

Član 2.

Predmet ugovora je iznajmljivanje aparata za vodu sa punjenjem za potrebe Zavoda zdravstvenog osiguranja Kantona Sarajevo, što obuhvata:

NAZIV	KOLIČINA
DISPANZER ZA VODU (KORIŠTENJE)	12 KOM
PRIRODNA IZVORSKA VODA AQUA BIANCA 18.9 L	504 KOM
PVC ČAŠE	504 KOM
SANITACIJA	1 GODINA/3 MJESECA

OBAVEZE UGOVORNIH STRANA

Član 3.

Dobavljač se obavezuje izvršiti isporuku i instaliranje aparata/dispanzera za vodu koji su predmet ovog ugovora, koji kvalitetom u svemu odgovaraju karakteristikama u ponudi Dobavljača, na adrese Ugovornog organa i to:

- Direkcija Zavoda zdravstvenog osiguranja Kantona Sarajevo, ul.Ložionička broj 2, ukupno 5 (pet) aparata/dispanzera za vodu;
- Gradska poslovnica za općine Stari Grad i Centar, ul. Hamdije Kreševljakovića 14, ukupno 1 (jedan) aparat/dispanzer za vodu;
- Gradska poslovnica za općine Novo Sarajevo i Novi Grad, ul. Zmaja od Bosne bb, ukupno 2 (dva) aparata/dispanzera za vodu;
- Poslovnica Ilidža sa ispostavom Trnovo, ul.Emira Bogunića Čarlija 17, ukupno 1 (jedan) aparat/dispanzer za vodu;

- Poslovnica Hadžići, ul. Hadželi 169, ukupno 1 (jedan) aparat/dispanzer za vodu;
- Poslovnica Ilijaš, ul. 126.Ilijaške Brigade 51, ukupno 1 (jedan) aparat/dispanzer za vodu;
- Poslovnica Vogošća, ul. Jošanička 83, ukupno 1 (jedan) aparat/dispanzer za vodu.

Član 4.

Dobavljač se obavezuje da će predmetnu nabavku iz Člana 2. ovog Ugovora, u vidu isporuke prirodne izvorske vode AQUA BIANCA 18,9 L, i pvc čaša vršiti mjesečno na osnovu primljene narudžbenice u roku od jednog radnog dana od trenutka zaprimanja narudžbenice, dok se sanitacija aparata treba vršiti svaka 3 (tri) mjeseca u toku trajanja ugovora.

Član 5.

Prilikom izuzimanja aparata/dispanzera za vodu zbog vršenja sanitacije ili eventualnih kvarova, Dobavljač je dužan obezbijediti zamjenske aparate.

Član 6.

Ugovorni organ se obavezuje da će mjesečno vršiti narudžbu minimalno 36 (tridesetšest) galona prirodne izvorske vode AQUA BIANCA 18,9 L.

Član 7.

Ugovorni organ se obavezuje da nakon isporučene robe, saglasno narudžbi i cijeni iz ponude, ukoliko ista odgovara ugovorenom kvalitetu, plati ugovorenu cijenu na način i u rokovima određenim u Odluci o prihvatanju ponude broj 03-08.-Dž.K.-11600-OPP/18. ponudom Dobavljača i ovim ugovorom.

Član 8.

Cijena nabavke roba koje su predmet ovog Ugovora ukupno iznosi 5.943,58 KM bez PDV-a, odnosno 6.953,98 KM sa PDV-om.

Dobavljač se obavezuje da će robu iz člana 2. ovog Ugovora isporučivati po jediničnoj cijeni u kojoj je uračunat PDV, troškovi transporta i isporuke i svi drugi zavisni troškovi navedeni u sljedećoj tabeli:

R b	Opis robe	Količina/ komada (A)	Jedinična cijena bez PDV-a (B)	Ukupna jedinična cijena bez PDV-a (D = A x B)
1.	DISPANZER ZA VODU (KORIŠTENJE)	12 KOM	0,00	0,00
2.	PRIRODNA IZVORSKA VODA AQUA BIANCA 18,9 L	504 KOM	9.4017	4.738,45
3.	PVC ČAŠE	504 KOM	2.1367	1.076.90
4.	SANITACIJA	1GODINA/ SVAKA 3 MJESECA	128.20	128,20
Ukupna cijena bez PDV-a				5.943,55
Popust				/
Ukupna cijena sa popustom bez PDV-a				5.943,55
PDV na cijenu ponude (sa uračunatim popustom)				1.010,40
Slovima: Ukupna cijena za ugovor				6.953,95

Količine navedene u ovoj tabeli su okvirne i zavisiće o raspoloživim sredstvima i potrebama Ugovornog organa.

Ugovorni organ se ne obavezuje da će količine iz člana 8. ovog Ugovora biti realizirane u potpunosti.

Član 9.

Ugovorni organ će ugovorenu cijenu iz člana 8. ovog Ugovora placati Dobavljaču u roku do 60. dana, od dana prijema fakture za isporučene robe/usluge, a na osnovu ispostavljane narudžbenice sa naznačenim količinama i jediničnim cijenama.

ISPORUKE ROBE/USLUGE

Član 10.

Dobavljač se obavezuje da će predmetnu nabavku iz Člana 2. ovog Ugovora, u vidu isporuke robe/usluge vršiti mjesečno na osnovu primljene narudžbenice u roku od jednog radnog dana od trenutka zaprimanja narudžbenice, dok se sanitacija aparata treba vršiti svaka 3 (tri) mjeseca u toku trajanja ugovora.

U slučaju da predmetna roba/usluga svojim kvalitetom ne odgovara ugovorenim zahtjevima Ugovornog organa, Ugovorni organ zadržava pravo da od Dobavljača zahtjeva otklanjanje uočenih nedostataka, a u protivnom zadržava pravo da raskine predmetni ugovor.

Član 11.

Dobavljač ima pravo na produženje ugovorenog roka ako je u isporuci robe i vršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotres, klimatski uslovi i sl.),
- mjere državnih organa.

Dobavljač je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.

Član 12.

Ako Dobavljač zakasni sa izvršenjem isporuke robe i izvršenjem usluge iz razloga koji nisu obuhvaćeni članom 10. ovog Ugovora, snosit će svu štetu za Ugovorni organ (npr. dodatni troškovi, izmakla dobit itd.) nastalu usljed kašnjenja sa isporukom i/ili izvršenjem.

NAKNADA ŠTETE

Član 13.

Ugovorna strana koja neurednim ispunjenjem ili neispunjenjem ugovorne obaveze prouzrokuje štetu drugoj ugovornoj strani, dužna je da štetu naknadi u cijelosti i to u roku od 30 (trideset) dana od dana postavljenog kompletiranog i osnovanog zahtjeva za isplatu naknade.

PRESTANAK UGOVORA

Član 14.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana, ali ne duže od 1 (jedne) godine računajući od dana stupanja na snagu Ugovora.

Član 15.

Ugovor može prestati i prije njegovog izvršenja, u slučaju raskida.

Ugovorne strane mogu raskinuti ovaj ugovor:

- a) ako Dobavljač redovno ne izmiruje svoje obaveze po osnovu direktnih i indirektnih poreza i ostalih javnih prihoda;
- b) ako se utvrdi da isporučena roba i/ili usluga ne ispunjava kriterije iz ponude temeljem kako je zaključen ugovor;
- c) ako je došlo do zaostajanja u isporuci robe i usluge koja je predmet ugovora;
- d) u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;
- e) ako ugovorni organ ne izvrši svoju obavezu plaćanja po ispostavljenoj fakturi, a nakon uredno izvršene isporuke i/ili pružene usluge;
- f) u svim ostalim slučajevima propisanim zakonom.

Iz razloga propisanih stavom 2. alineje b), c) i e) ugovor se može raskinuti samo ako je prethodno upućen pisani poziv sa zahtjevom ispunjenje ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

U svakom slučaju ugovor se ne može raskinuti zbog neizvršenja neznatnog dijela ugovorene obaveze.

Član 16.

Ugovor se raskida pisanom izjavom koja se dostavlja drugoj ugovornoj strani.

U izjavi mora biti naznačeno po kom osnovu se ugovor raskida, kao i dostavljen dokaz da je druga ugovorna strana prethodno, takođe pisanim putem, pozvana na ispunjenje ugovorene obaveze.

Član 17.

Ugovorni organ će raskinuti ugovor sa Dobavljačem i ukoliko se ustanovi da ponuđene usluge koje su zadovoljile kriterije Ponude dobavljača i Odluke o prihvatanju ponude nisu jednake isporučenoj robi/uslugama koje su predmet ugovora.

OSTALE ODREDBE

Član 18.

Svi sporovi koji eventualno nastanu iz ovog Ugovora rješavat će se dogovorom ugovornih strana.

Ako se spor ne riješi na taj način, za sudsko odlučivanje određuje se mjesna nadležnost suda u Sarajevu.

Član 19.

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

Član 20.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

ZAVRŠNE ODREDBE

Član 21.

Sastavni dio ovog ugovora su:

- Odluka o pokretanju postupka broj 03-08-Dž.K.- 11600-OPDS/18 od 29.03.2018. godine;
 - Odluka o prihvatanju ponude broj 03-08- Dž.K.- 11600-OPP/18 od 30.03.2018. godine.
- Prihvaćena ponuda Dobavljača broj: 120/18 od 29.03.2018. godine

Član 22.

Ovaj ugovor stupa na snagu danom potpisivanja od strane obje ugovorne strane.


Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član 23.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Dobavljač

Corto d.o.o. Sarajevo



Lejla Šahinpašić

Ugovorni organ

ZAVOD ZDRAVSTVENOG OSIGURANJA
KANTONA SARAJEVO



Samir Turkočić

Broj: 120/18
Datum: 13.04.2018

Broj: 03-08-Dž.K.-11600-UG/18
Datum: 12.04.2018. godine.